



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 5. An donatio facta ad certum finem valeat, si finis ille non præstetur?

urn:nbn:de:hbz:466:1-40993

Resp. III. *Donatio inter vivos acceptata nequit revocari nisi ob causas prædictas, l. 5 & ult. cod. de revoc. donat.* quia jure naturæ donatarius acquisivit dominium rei donatæ, & traditæ, jus verò ad rem, si nondum sit tradita; nec leges dant jus revocandi nisi ob causas supradictas.

Q. 5. An donatio facta ad certum finem valeat, si finis ille non præstetur?

Resp. I. *Quando aliquis donat ob certum finem, si non intendat ad illum obligare, sed solum allicere animum, vel præbere media ad illum assequendum, si placuerit, valida est donatio, etiam si finis non sequatur. Est communis. ex l. 7. cod. de condit. ob causas.* quia donatio non est conditionata, sed absoluta, & facta solum ex animo alliciendi ad aliquid. Unde res donata potest acceptari, & retineri à donatario, etiam si non habeat animum præstandi, quod cupit donator. Si puella potest acceptare legatum sibi factum, ut nubat, et si nolit nubere. Item valet donatio, qua quis donat alteri, ut sibi faveat in aliqua re, quamvis hic non faverit, quia principaliter facta est ad alliciendum, non ad obligandum. Quod verum est, etiam si donator non donasset, si putasset alium non esse allicendum: nam adhuc subsistit causa finalis, cùm donet, ut possit allice. re, non autem sub conditione, si actu alliciat.

Peccat

Peccat tamen graviter fœmina, quæ munera acceptata ab amasio ea largiente ad alliciendum ejus consensum ad libidinem, quamvis ipsa nolit consentire ejus pravæ voluntati: nam fovet impurum ejus amorem, ac desiderium, & censetur illud approbare.

Resp. II. Si donator intendat donatarium ad certum finem obligare, donatio corruit, & donata restitui debet fine non impleto, sicut sit principalis finis donationis. *Est communis ex*l.* 8. cod. de convict. ob causas.* nam donator non vult rem esse alterius, nisi posita tali causa finali tanquam conditione.

Q. 6. *An dolus, vel error circa causam finalem irritat donationem, & promissionem gratuitam?*

Resp. Aff. Est communis. quia donatio, & promissio gratuita fit sub conditione, si causa finalis subsistat; & quia causa finalis est motivum substantiale donationis, & promissionis gratuitæ, quo proinde non subsistente, non subsistit actus: nam actus voluntatis non est sublatu[m] motivo volendi. Ergo si sit error circa causam finalem deest tunc volitio donandi, vel promittendi. Sic si quis falsò putans Trium esse consanguineam, dotem ei promittat, vel donet, quia est consanguinea, haec promissio, vel donatio nulla est.

Hinc tenentur ad restitutionem. *I. Quis*
fingit